



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militia Sacra || Dvcvm Et Principvm || Brabantiaë,||

Molanus, Johannes

Antverpiae, [1592]

De sacro contra Nordmannos bello quod geßit Odo Rex, tutor Caroli
Simplicis. Cap. XXIV.

urn:nbn:de:hbz:466:1-38114

bes cum ciuibus, Episcopi cum toto grege simul obruti, Ecclesiæ illustres cum fidelium caterua simul incensæ sunt. Quam ob rem Carolus accusatus in Curia, & ob stultitiam de regno depositus, Arnulphum Germani sui filium accepit successorem.

Lib. 6. ca. 9. Et mirum dictu, ait Otto Episcopus Frisingensis, Imperatorem, qui post Carolum magnum inter omnes Reges Francorū maximæ fuit potestatis, in breui ad tantam tenuitatem venisse, vt panis quoque egens, ab Arnulpho iam Rege factu stipendia miserabiliter exigeret, ac ab ipso paucos fiscos in Alemania gratanter susciperet. Dicere hic poterat cum Iob: Eleuasti me; & quasi superuentum ponens elisisti me valide. Et cum *Iob. 30.* Psalmista, Eleuans allisisti me. *Psal. 101.*

De sacro contra Nordmannos bello quod gessit
ODO Rex, tutor Caroli Simplicis.

CAP. XXIV.

ANNO 1000. xc. Carolo Craffo successit Arnulphus. Is initio regni sui implicitus bello contra Sclauos, Morauos, priusquam hos repressisset, nec Italiam adire nec Franciam potuit. Quare Odone deprecante consensit, vt is in Francia regnum administraret nomine regio, vsque ad annos pubertatis Caroli Simplicis: quæ res causam præbuit iis conpirationibus, quibus postea prætextu iuris hæreditarij Carolus Simplex à Rupert

perto fratre Odonis oppugnatus est, eò vsque donec Ruperti posteritas regnum Carolinæ stirpi ademtum in se transtulit. De hoc Odone filio Roberti Comitis Andegauensium à Nordmānis interfecti, scribit post alios Paulus Æmilius: Arnulphus Augustus saluatus, Franciæ quoque Regem se dictabat, resque pace & bello gerebat, cum maxima procerum pars, Balduino Flandriæ Comite, ac Fulcone Remensi Archiepiscopo reclamante, Odonem tutorem Caroli Simplicis regnare iubent. Eum Waltherus Senonum Archiepiscopus inunxit. Is Rex aduersus Nordmannos præclare bellauit, quos Lutetiam rursus tentantes Comes Parrhisorum Robertus, Odonis frater, idem magister equitum, à mœnibus repulit. Inde in Senones eos velut tempestas detulit. Agri vastati, oppida defensa. Ad Axonam eos affecutus Odo, funestam eis prædam fecit. Misera erat Frãcia, prædæque ac omnium iniuriæ audaciæque oportuna. Frãci Odonem, biennio postquam eum Regem salutarant, in Aquitania omnino regnare iubent, cetera Francia abstinere. Fulconem cogunt Carolum Simplicem inungere duodecimū ætatis annum agentem. Id æmulatione rerum administrandarum factum crediderim.